

**Ketua Pembangkang Melaka dari DAP letak jawatan selepas puji Ketua Menteri
Malaysian Insider
Oct 8 , 2013
OLEH EILEEN NG**

Kesal tindakannya memuji Ketua Menteri Melaka Datuk Idris Haron dipersoal parti, Ketua Pembangkang Melaka, Goh Leong San dari DAP meletakkan jawatan serta merta.

Perletakan jawatan Goh diikuti oleh Ahli Dewan Undangan Negeri (Adun) Bachang Lim Jak Wong sebagai Ketua Whip atas nama solidariti.

Sebelum ini Adun Luyang Hiew King Cheu dari Sabah turut meninggalkan DAP sekaligus menjadi anggota Bebas.

"Ya saya meletakkan jawatan sebagai Ketua Pembangkang. Surat saya sudah hantar kepada Ibu Pejabat parti hari ini," katanya kepada The Malaysian Insider.

Kedua-dua mereka bagaimanapun masih menjadi ahli DAP.

Goh sebelum ini dilaporkan berkata Idris berpengetahuan luas, banyak membaca dan sistematik.

Ahli Majlis Tertinggi dan Pengerusi Umno Melaka itu jelas Goh mempunyai misi amat jelas membangunkan rakyat dan negeri itu selaras dengan wawasan Melaka Maju Fasa Kedua.

"Di Dewan yang mulia ini, saya memuji kebijaksanaan dan kematangan Ketua Menteri baru yang dapat menerima pandangan dan cadangan pihak kerajaan atau pembangkang.

"Dengan kefasihan berbahasa Inggeris, Arab dan Jepun, saya penuh yakin Melaka di bawah kepimpinan Idris akan mencapai wawasannya," Goh dipetik sebagai berkata.

"Saya percaya perlu memujinya sekiranya perlu. Beliau melaksanakan tugas tanpa sebarang publisiti," katanya.

Adun Ayer Keroh Khoo Poay Tiong tidak banyak memberikan komen dengan hanya mengatakan: "Beliau meletakkan jawatan kerana sedar tindakannya itu salah." – 8 Oktober, 2013.

Hakcipta © 2013 The Malaysian Insider

Source:

<http://www.themalaysianinsider.com/bahasa/article/ketua-pembangkang-melaka-dari-dap-letak-jawatan-selepas-puji-ketua-menteri>